

«ЯШИЛ МАКОН» УМУММИЛЛИЙ ДАСТУРИ:

2023-yil
21-noyabr
seshanba
№ 145
(4897)

Ishonch

Yurt taraqqiyoti yo'lida birlashaylik!

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan



ЭНДИ КАСАБА УЮШМАЛАРИНИНГ ИККИ ХУДУДДА БОҒИ БОР

Сирдарё вилояти

Сирдарё вилоятида шу йилнинг куз фаслида 5 миллион 987 минг туп дарахт ва бута кўчатлари экилиши мўлжалланган. Шундан 38 минг тупи автомобиль йўллари атрофларида экилиши белгиланган.

«Яшил макон» умуммиллий лойиҳаси доирасида ишлар қизғин тус олган. Сирдарё туманида яна бир боққа асос солинди. Ўзбекистон касабаси уюшмалари Федерацияси ташаббуси билан «М-34 Тошкент – Душанбе» халқаро автомобиль йўли билан темир йўл оралиғидаги 2 гектар бўш майдонга гужум дарахти кўчатлари экилди.

Касаба уюшмалари ходимлари ва фаоллари экиладиган кўчатларнинг оралиқ масофаларини тўғрилаб, жой ҳозирлаётган бир пайтда хайрли ишга бош қўшувчилар ҳам пайдо бўлди. Хусусан, вилоят фавқуллода вазиятлар бошқармасининг ҳамда темирйўл тизими ходимлари. Сирдарё тумани ободонлаштириш бошқармаси ҳайдовчиси Межид Абдуллаев эса пешма-пеш сув етказиб турди.

Гужумлар экиб бўлингач бу ерда махсус суғориш тизими яратилади. Келгусида соя-салқин бу гўшанинг ҳар жойида шийпонлар қурилади. У ерда турли кўнгилочар тадбирлар ўтказиш, мириқиб дам олиш мумкин бўлади.

Хайрли иш асносида чеккароққа ўчоқ ўрнатилиб, ҳашар ошига қозон осилди. Боғ барпо этиш жараёнида бирдамлик, ҳамжиҳатлик, бир мақсад йўлида ҳамқадмлик яна бир бор бўй кўрсатди.

Баҳор ХОЛБЕКОВА
«ISHONCH»

Хоразм вилояти

Ўзбекистон касабаси уюшмалари Федерацияси Хоразм вилояти кенгаши томонидан Урганч туманидаги «Урганч» оромгоҳи ҳудудида «Касаба уюшма боғи» барпо этилди.

Федерациянинг Хоразм вилояти кенгаши раиси Гулсара Курбонбоева, Хоразм вилояти Архив иши ҳудудий бошқармаси бошлиғи Раҳимберган Матрасулов, «Нуроний» жамғармаси вилоят бўлими бошлиғи Матқарим Жуманиёзов «Яшил макон» умуммиллий лойиҳасининг аҳамияти, дунёдаги ва Оролбўйидаги экологик вазият, чўлланшиш ва шўрланиш муаммолари ҳақида тўхталиб, дарахт экиш халқимиз учун миллий қадрият эканини таъкидлаб ўтдилар.

– Зулфияxonим айтганидек, «Бу боғлар бир боғлар бўлади ҳали...». Биз экидиган ниҳоллар юртимиз ободлигига хизмат қилади деган ниятда, – дейди Гулсара Курбонбоева.

Нуронийлар дуоси билан бошланган тадбир хуш кайфиятда давом этди. Касаба уюшма ходимлари тўрт гуруҳга бўлиниб, ишга киришдилар. Боғга асосан олма, беҳи, ўрик каби 400 тупдан зиёд мевали дарахтлар экилди. Боғ йўлақларида

«Касаба уюшмалари тўғрисида»ги қонун моддалари акс этган паннолар илинди.

Мутахассислар фикрига кўра, битта дарахт бир йилда 120 килограмм кислород ишлаб чиқаради. Касаба ходимлари яратган боғ ҳам ҳудудни кислород билан бойитишга, ҳам болаларни хавфсиз озик-овқат билан таъминлашга хизмат қилади.

«Яшил макон» лойиҳасидаги тадбирлар бу билан тугамади. Урганчдаги касабаси уюшмалари уйи олдида 300 тупга яқин атиргул кўчатлари экилди. Тармоқ касабаси уюшмалари шаҳар-туман кенгашлари жойлашган бинолар атрофларида мевали ва манзарали дарахт ниҳоллари қадалди. Бошланғич касабаси уюшма ташкилотлари аъзолари ҳам лойиҳада фаол иштирок этмоқда.

Мухаббат ТҲАБОЕВА
«ISHONCH»



Эъзога УМРЗОҚОВА олган суратлар

